



mreža za  
izgradnju mira

| [www.mreza-mira.net](http://www.mreza-mira.net)

6. februar/veljače 2014. godine

## Reagovanje Mreže za izgradnju mira BiH povodom protesta u Tuzli

Mreža za izgradnju mira BiH ovim putem želi dati podršku sindikalnim organizacijama i udruženjima građana i građanima/građankama Tuzle koji su izašli na ulice da se bore za svoja ljudska i radna prava.

Istovremeno, Mreža za izgradnju mira BiH bez rezerve osuđuje upotrebu sile od strane policijskih snaga Tuzlanskog kantona koja je, prema dosadašnjim informacijama, rezultirala povređivanjem više od 20 osoba, među kojima je bilo i djece.

Legitimno je pravo građana i građanki Tuzle da iskažu nezadovoljstvo radom kantonalnih institucija i da traže odgovornost vlasti za stanje u kojem se nalaze.

Zar su policijski kordoni odgovor na pitanje građana zašto nemaju pravo na liječenje?, zašto im nije uvezan radni staž?, i zašto niko nije odgovarao za sumnjive privatizacije i uništavanje domaćih preduzeća?

Vlasti na svim nivoima bi trebalo da rade u interesu svih građana i građanki i da isto tako za svoj (ne)rad odgovaraju građanima i građankama koji su ih i birali. Protestanti u Tuzli su nas upravo na to podsjetili – da vlast, sa svim svojim policijskim kordonima, nije tu radi sebe same i svojih uskostranačkih ili rođaćkih veza, već zbog nas koji ovdje živimo i radimo! I plaćamo poreze!

Na kraju, Mreža za izgradnju mira izražava nadu da će se protesti nastaviti bez upotreba sile i dostojanstveno do ispunjenja zahtjeva demonstranata.

### SARAJEVO

Mreža za izgradnju mira  
Zagrebačka 18  
71 000 Sarajevo  
Bosna i Hercegovina

Tel: +387 33 812 401  
Faks: +387 33 812 403  
Mob: +387 61 755 378  
E-mail: [info@mreza-mira.net](mailto:info@mreza-mira.net)

### BANJA LUKA

Mreža za izgradnju mira  
Miše Stupara 68  
78000 Banja Luka  
Bosna i Hercegovina

Tel: +387 51 432 750 / +387 51 432 753  
Faks: +387 51 432 752  
Mob: +387 65 615 535  
E mail: [sekretarijat@hcabl.org](mailto:sekretarijat@hcabl.org)